



Brčko: Na proljeće bi trebali biti vidljivi veliki reformski rezultati

U svojoj prvoj posjeti Brčkom 2022. godine, prvi zamjenik visokog predstavnika i supervizor Scanlan naglasio je da je pred nama period u kojem uprava Distrikta Brčko ima priliku pokazati da Distrikt nije samo primjer mirnog suživota već i zajedničkog prosperiteta.

Na proljeće će biti donesena odluka o trasama autoputa, usvojen ugovor o rekonstrukciji mosta Gunja-Brčko i zaključen konačni ugovor za modernizaciju luke. To će biti upotunjeno i početkom radova na Industrijskoj zoni Brod, glavnom transportnom cjevovodu za Brčko, regulaciji poplava za rijeku Brku i drugim projektima.

Proljeće će sa sobom donijeti i dodatne korake u borbi protiv korupcije, političkog pokroviteljstva i nepotizma. Komisija za sukob interesa će prikupiti imovinske kartone javnih službenika, Ured za borbu protiv korupcije će razmotriti praksu na polju zapošljavanja, Skupštini će biti podnesen novi Zakon o državnoj službi kako bi se osiguralo da sistem bude zasnovan na zaslugama.

Nevladin sektor, u okviru novog transparentnog sistema javnog finansiranja, služiti će kao čuvar i partner vladi kako bi se osiguralo da ovaj novi trend dobrog upravljanja u Distriktu bude održiv. Mladi treba da vide svoje učešće u civilnom društvu kao način da pomognu u izgradnji zajednice u kojoj i sami žele da žive.

Supervizor je pohvalio rad Policije Distrikta u proteklih nekoliko mjeseci kao primjer profesionalizma i opredijeljenosti za služenje zajednici, na šta bi se svi zvaničnici u Distriktu trebali ugledati.

O ovim temama razgovaralo se tokom sastanaka supervizora sa Vladom Distrikta i rukovodstvom Skupštine, načelnikom Odjeljenja za prostorno planiranje i imovinsko-pravne poslove, direktorom NVO DEMOS i koordinatorom projekta "STOP zapošljavanju na crno" te direktorom NVO Vermont i šefom policije.